

From: UUM CORPORATE COMM.
Sent: Khamis, 4 Jun 2020 9:22 ptg
To: UUM - All Staff; UUM - All Students
Subject: ResQ-COVID-19 Bukti UUM Komited Bantu Kerajaan Hadapi Pandemik



UUM Corporate Comm.
Universiti Utara Malaysia

4 JUN 2020 / 12 SYAWAL 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

ResQ-COVID-19 BUKTI UUM KOMITED BANTU KERAJAAN HADAPI PANDEMIK



UUM ONLINE: Penawaran geran Covid-19 Pandemic Research Funding (ResQ-COVID-19) kepada ahli akademik universiti ini membuktikan kesungguhan UUM untuk membantu masyarakat dan negara dalam menghadapi wabak Covid-19

Naib Canselor, Prof. Dato' Dr. Ahmad Bashawir Abdul Ghani berkata, geran ini bukan biasa-biasa tetapi adalah luar biasa kena universiti ingin tunjukkan kepada masyarakat dan negara bahawa UUM komited untuk membantu negara terutama dalam isu pengangguran (unemployment) dan keselamatan makanan (food security).

Menurutnya, penyelidikan yang dihasilkan penyelidik terpilih ini bukan semata-mata untuk memenuhi Petunjuk Prestasi Utama (KPI) sendiri dan universiti, sebaliknya sebagai sumbangan kepada masyarakat dalam bentuk 'applied research'.

"Saya tidak mahu penyelidik universiti ini 'lupa' untuk membantu masyarakat dan pastikan kajian yang dijalankan itu adalah bertujuan membangunkan masyarakat dan negara.

"Jalinkan kerjasama dengan industri bagi memudahkan untuk mendapatkan geran penyelidikan, justeru rancang cara untuk pastikan penyelidikan yang dilakukan itu dapat dihargai dan mampu menarik pihak industri, sekali gus dapat membantu menaikkan nama UUM," katanya pada Majlis Penyerahan Geran Penyelidikan Pandemik Covid-19 (ResQ-COVID-19), pagi tadi.

Seramai enam penyelidik telah dipilih menerima geran ResQ-COVID-19 yang berjumlah RM110,800 yang disampaikan Naib Canselor di Bilik Senat.

Naib Canselor berkata, beliau yakin penyelidik UUM masih boleh berinovatif walaupun ada yang masih bekerja dari rumah dengan menghasilkan kajian yang berkualiti.

Menurutnya, beliau berharap ahli akademik UUM khususnya dapat memberi input bernas berbentuk *applied* dan boleh diguna pakai untuk membantu kerajaan dan negeri Kedah bagi membangunkan Malaysia pasca Covid-19 nanti.

Katanya, UUM menjadi universiti terawal yang menawarkan geran penyelidikan tersebut ketika negara melaksanakan arahan Perintah Kawalan Pergerakan (PKP) bermula 18 Mac lalu.

Sementara itu, Pengarah Pusat Pengurusan Penyelidikan dan Inovasi (RIMC), Prof. Dr. Nor Aziah Abd Manaf berkata, penularan wabak Covid-19 telah menyebabkan banyak sektor terjejas antaranya sektor ekonomi dan juga sosial.

Menurutnya, RIMC telah menerima permohonan sebanyak 45 kertas cadangan, namun hanya enam yang berpotensi besar untuk membantu menerusi 'applied research' bagi menghadapi kesan Covid-19.

Enam penyelidik yang berjaya memperoleh tawaran geran ResQ-COVID-19 ialah Dr. Risyawati Mohamed Ismail dari STML; Prof. Madya Dr. Shahrul Azmi bMohd. Yusof dan Nor Farzana Abd Ghani dari SOC; Prof. Madya Dr. Rozita Abdul Mutalib dan Prof. Madya Ts. Dr. Azlizan Talib dari SOG dan Muhammad Ridhuan Bos Abdullah dari SEFB.



 Please consider the environment before printing this e-mail



Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.